

ցին հանել, յորժամ ազգայինքն ետուն արդուհալ թէ Սպասաւոր է նորա. և նոքա գրել ետուն թէ Գործակալ է և քէհեա, որ մնաց և նա անդ(\*):

Նա և զայս հպարտութիւն մեծ ծանիր, որ զվէզիր ասէին այլ ոչ դարձցի՝ մարգարէաբար ստութեան, որ կայր նա ի պատերազմն Մաճարի, պատճառ յուսոյ՝ եթէ է ամ պատերազմ ձայնեցին եւ թէ վասն այսմ զօրքն զնայ սպանանելոց են: Եւ յետ աւուրց տօնի Վերափոխման Սուրբ Աստուածածնի, առաքեաց վէզիրն զՔէնան փաշա զոմն, որ երբեմն զափուտան էր, եդ սէրէսքէր զի եկեալ պահեսցէ զՈւսկիւտար եւ զՀրջակայն. և նա եկեալ՝ ձորս հարթեալ, խանդակս բացեալ և զամենայն լաղըմճիք ըմբռնեալ տանէին ի բանել. և որք ընդդէմ նոցա գային յամենայն ազգաց՝ բանեցուցանէին, և զգինէվաճառսն ամենայն քաղաքիս յամենայն աւուր իրրեւ զերկաթակապ գործակալօք տանէին անդ: Նաև յամենայն գլուխս ճանապարհացն դրունս մեծամեծս փայտեայ ճաղից շինէին, որ ասի պարմադափի. և այս ամենայն անդէպ և ընդ վայր վասն ապստամբելոցն արարին զի մի եկեալ ասպատակեսցեն. բայց նոցա ոչ զիմանայր դրունքն և ոչ տունք, եթէ ի հիմանց ոչ տապալէին, և զամենայն քաղաքն սրոյ ճարակ տային: Սակայն անիրաւութիւն բնակչաց տեղոյն և հարկատուից յաւուրսն յայնոսիկ, բայց այս խորհուրդ՝ եթէ զայս լսելով երկիցեն, ասէ, հեռացին և կամ հնազանդեսցին՝ տեսանելով զպատրաստութիւնս: Եւ թէ ո՞ք են ա-

(\*) ԱՆՍ. Աստ գրեա՛ Զչի պահոցն (13 Օգոս.) գալուստ Մարտիրոս վարդապետին ի կաֆայ և Դչի Աճածնին (18 Օգոս.) գնալն ի դէմ վէզիրին առ ի Պէլրղատ գանկատ Յունաց՝ վասն Երուսաղէմի: